


B6 Eugenika



Eine einzige Mißheirat bedeutet oft Entartung und Schädigung des Erbgutes auf Generationen hinaus. Kranke, körperlich und geistig mißtratene Kinder bringen Kummer, Leid und Not, wenn nicht gar Schande für die Eltern.

La rasakî teorija savi malavel, kê le Řom taj Sintî rimon o „Genpool“ la evropakê narodongo, kodja teorija formulirisarde angluji data la švajcerskakê psixijatur. Palal line le nacionalsocialistur lendar kaća teorija opre. Ando bêrş 1905 zumadja te atestiril la švajcerskako psixijaturo o Josef Jörger, jek proponento la eugenikako, sar e familija „Zero“ xatam „rimosajli“ anda kodja, kê jek Řomni kata l' travelerur mêritisajli ande kaća familija. Le ženengê, pa save kêrde investigacije, thode kasave nebulozni, subjektivni taj bimalade atributur sar „kurva“, „kriminalno manuš“, „dilo“ taj „bastardo“. Palaj teorija la eugenikakî sî e atituda, sar ponašil pe jeg manuš, hereditarno, kodja bušel kaj sî ramome ande manušesko genomo. Anda kodja dine le membrur kata la eugenikako miškimos e rekomandacija, te lašarel pe le narodoski genetično konsistencija „rasengê higienjakê“ metodenca, sar kaj sî kodja sterilizacija pe zor, manušengê eksperimentonca taj eliminacijasa kata grupe kaj „naj želime“.

💡 Žanglen tumen

...kê na numa o Adolf Hitler paćalas ande eugenika, nego vi kasave ašunde akademikakê manuša taj političarja sar o Winston Churchill, o H.G. Wells, o Theodore Roosevelt, o George Bernard Shaw, o John Maynard Keynes taj o Linus Pauling? ...kê ande 1920-utne taj 1930-utne bêrş teljardja la eugenikako miškimos ande l' USA, numa vi ande Švajčarska, ande Brasilia, ando Švedo taj ande but aver thema teljarde eugenikakê programur?

✍ Tumari bući

Sar diskutuil pe adjes o pušimos pa želime taj biželime društvoskê manuša?

📷 Paj fotografija

O geneologično kopači le pejorativnone pseudonimosa, familija „Zero“ kata o Josef Jörger trobul te sîkavel le negativni efektur kata mêrítimos/ ansurimos ženenca kaj sî phirimaskê manuša. Kolekcija Thomas Huonker, Zürich/Švajcarska.



https://www.romasintigenocide.eu/kalderasch/b

1900

1951

1905